



# Zbog šverca skanka 16 uhapšenih

**D. SLADOJEVIĆ**

**SARAJEVO, RIJEKA -** Ukupno 16 osoba do sada je uhapšeno u Hercegovini i Hrvatskoj zbog sumnje da su iz BiH u susjednu državu prokrijumčarili i preprodali najmanje 85 kilograma modificovane marihuane - skanka, na narko-tržištu vrijednog oko 120.000 evra.

U sklopu akcije kodnog naziva "Gas", koju je sproveo nekoliko bh. policijskih agencija, u saradnji sa kolegama iz hrvatske policije, u BiH su u petak uhapšeni Zdravko Jurčević (56), Simo Šljivić (35) i Mladenka Ostojić (46), dok je u Hrvatskoj privedena grupa od 13 osoba.

Za devetoro osumnjičenih preksinoć je Županijski sud u Rijeci odredio pritvor, a četiri

osobe su puštene da se brane sa slobode, dok o sudbini uhapšenih u BiH treba da odluči Tužilaštvo BiH.

Na teret im je stavljeno da

**TROJKA  
U BiH uhapšeni  
Zdravko Jurčević,  
Simo Šljivić i  
Mladenka Ostojić**



su počinili zločinačko udruživanje, trgovali drogom i pomagali u neovlaštenoj proizvodnji i prometu drogama.

"Drogu je u BiH u više navrata nabavljao organizator grupe, a ostali osumnjičeni su je preuzimali, skladištili, krijumčarili i preprodavali u Hrvatskoj", navode u USKOK-u.

Iz Državne agencije za istrage i zaštitu (SIPA) saopštili su da

su njihovi pripadnici izvršili pretrese objekata na četiri lokacije na području Stoca i Čapljine, s ciljem pronalaska i privremenog oduzimanja predmeta koji mogu poslužiti kao dokaz u daljem postupku.

Nezvanično, juče je objavljeno da je Jurčević bio ratni komandant Vojne policije u Stocu, te da je, kako neki tvrde, već više puta hapšen.